

ՌՈՍՏՈՒՄԻ ՀԱՄԱԳՈՐԾԱԿՑՈՒԹՅՈՒՆԸ ԲՈՒԼՂԱՐ
ՀԵՂԱՓՈԽԱԿԱՆՆԵՐԻ ՀԵՏ /1894-1902թթ./

Օսմանյան Թուրքիայի բռնակալական վարչակարգի դեմ հայ և բուլղար ժողովուրդների մղած պայքարի կարևոր դրվագներից մեկն է Հ.Յ.Դաշնակցության և Մակեդոնիայի ազատագրման համար պայքարող բուլղար հեղափոխականների¹ համագործակցության պատմությունը: 19-րդ դարի վերջերին և 20-րդ դարի սկզբներին հայ և բուլղարացի հեղափոխականները ձեռնարկել են բազմաթիվ համատեղ քայլեր ընդհանուր բշմամու դեմ միասնական ճակատ ստեղծելու համար:

Հայ և բուլղար հեղափոխականների համագործակցության ակունքներում կանգնած է Հ.Յ.Դաշնակցության հիմնադիրներից Ռոստոմը /Մտեփան Ջորյան/: Նա ՀՀԴ գործիչներից առաջինն էր, որը գիտակցեց Արևմտյան Հայաստանի ու Մակեդոնիայի ազատագրության խնդիրների մասնությունը և այդ համատեքստում կարևորեց կապերի ընդլայնման անհրաժեշտությունը: Սկզբնական շրջանում Ռոստոմը հայ-բուլղարական համագործակցությունը դիտարկում էր որպես Օսմանյան կայսրության մայրաքաղաք թափանցելու և այնտեղ համատեղ ուժերով հեղափոխական ձեռնարկներ կազմակերպելու միջոց, մասնավոր որ 1893 թվականին ժնկում հաստատվելուց և «Դրոշակի» տպագրության գործը կազմակերպելուց հետո, նա մտադրվել էր անցնել Կ.Պոլիս:

Երկար որոնումներից հետո, ժնկում բնակվող հայ անարխիստ Ա.Աթաբեկյանի միջոցով Ռոստոմը ձեռք բերեց բուլղարացի հեղափոխական,

¹ 1878թ. Բեռլինի կոնգրեսի որոշումներով Բուլղարիայից իսկված և կրկին Օսմանյան կայսրության տիրապետությանը հանձնված Մակեդոնիայի սլավոնական բնակչության մեծ մասը իրենց ծագմամբ, լեզվով ու մշակույթով բուլղարական արմատներ ունեին և պայքարում էին մայր հայրենիքի հետ վերամիավորման համար: Հետագայում բռնությամբ Բուլղարիայից տարանջատված Մակեդոնիայի սլավոնների մեծ մասը սկսեց եթնիկական ինաստով օգտագործել իր համար փաստորեն խորթ՝ մակեդոնացի ինքնանվանումը, որն այսօր էլ լուրջ տարածայնություններ է առաջացնում մակեդոնացի սլավոնների և Հունաստանի միջև: Այսպիսով, 19-րդ դարի վերջերին-20-րդ դարի սկզբներին Մակեդոնիայում ծավալված ազգային-ազատագրական շարժումը դա բուլղարական շարժում էր, իսկ նրա մասնակիցներն ու ՀՀԴ-ի գործընկերները՝ բուլղար հեղափոխականներ: Այդ շարժման հիմնական կազմակերպիչներընեին մակեդոնական հեղափոխական կազմակերպությունն էր, որը հիմնվել էր 1893 թվականին՝ բուլղար հեղափոխականների կողմից:

անարխիստ Պարասկել Ստոյանովի հետ ծանոթանալու հնարավորություն, որպեսզի նրա միջոցով կարողանա ձեռք բերել անհրաժեշտ փաստաթղթեր Կ.Պոլիս թափանցելու համար: Եվ 1894 թ. նոյեմբերին, պարսկահպատակ ուն՝ Վրթանես Փափազյանի կեղծ անձնագրով Ռոստոմը ժամանաց Բուխարեստ, որտեղ նոր էր միայն բնակություն հաստատել և աշխատանքի անցել մասնագիտությամբ բժիշկ Պ.Ստոյանովը: Բայց ռուսինական ոստիկանությունը Ռոստոմի մասին արդեն տեղեկացված էր Գալաց քաղաքից: Այստեղից տառաջիորեն ոստիկանների քթի տակից, նա 1893 թվականին կարողացել էր փրկվել ու ժնհասցնել «Դրոշակի» տառերը: Այդ պատճառով, երկու օրից Ռոստոմը ստիպված էր թողնել Ռուսինիայի մայրաքաղաքն ու անցնել Բուլղարիա ու հաստատվել Ռուսչուկում գտնվող Պ.Ստոյանովի հայրական տանը:

Սակայն Ռոստոմին անհրաժեշտ էր շտապել՝ հարկավոր փաստաթղթերը ձեռք բերելու և Կ.Պոլիս մեկնելու համար: Այդ պատճառով նա Բուլղարիայից նորից անցավ Ռուսինիա՝ Բրայիլով և ապա Գալաց, քանի որ Պ.Ստոյանովը Ռոստոմին խոստացել էր ռուսինական անձնագիր ձեռք բերել: Սակայն, ստանալով այդ փաստաթուղթը, Ռոստոմը դրանից այդպես էլ չկարողացավ օգտվել՝ ռուսներեն չիմանալու պատճառով և 1984 թ. դեկտեմբերի 2/14/-ին ձերբակալվեց ռուսինական ոստիկանության կողմից:

Կ.Պոլիս թափանցելու առաջին փորձի ծախողունը չվիատեցրեց Ռոստոմին: Արդեն որոշակի կապեր ունենալով բուլղար հեղափոխականների հետ, Ռոստոմը կարևորում էր այն փաստը, որ վերջիններս նույնպես ջանքեր են գործադրում ԴՅԴ Կ.Պոլսի կազմակերպության հետ կապվելու համար: 1895 թվականին Մակեդոնիայի ազատագրության համար պայքարող Ներքին մակեդոնական հեղափոխական կազմակերպությունը հատուկ ներկայացուցիչ էր ուղարկել Կ.Պոլսի՝ ԴՅԴ գործիչների հետ բանակցելու համար:

Սկստի ունենալով Բուլղարիայի աշխարհագրական դիրքի կարևորությունը՝ Օսմանյան կայսրության մայրաքաղաք թափանցելու գործում, Ռոստոմը սկսեց վիճարկել ժնհու գտնվող «Դրոշակի» խմբագրատունը ուժեղացնելու և արտասահմանյան Բյուրոյի վերածելու մասին 1896 թ, վերջին 1897 թ, սկզբին կայացած ԴՅԴ կովկասյան ռայոնական ժողովի որոշումը²: Նա մերժում էր ոչ թե արտասահմանի, կամ Արևմտյան Բյուրո ունենալու խնդիրը, այլ վերջինիս նստավայրը ժնհուում հաստատելու անհրաժեշտությունը: Ռոստոմը գտնում էր, որ հարկավոր է «...թողնել խմբագրութիւնը միայն խմբագրութիւն, իսկ գործերը տանելու համար հիմնել Բուլղարական Բիւրո»³:

² Տե՛ս Նիկոբեր Դ.Յ. Դաշնակցութեան պատմութեան համար, հատ.Բ., էջ 32:

³ Ռոստոմ, Նամակահի. մահուան ութսունամեակին առթիւ, Պէյրուք, 1999, էջ 90:

1897թ. վերջին- 1989թ. սկզբին կայացած ՀՀԴ կովկասյան ռայոնական ժողովը որոշում էր կայացրել նաև թուրքահայատակ քրիստոնյա ժողովուրդների և նրանց հեղափոխական կազմակերպությունների հետ համագործակցելու մասին⁴։ Այդ խնդիրն է՛լ ավելի կոնկրետացվեց ՀՀԴ երկրորդ ընդհանուր ժողովում ծավալված քննարկումների ժամանակ, որոնց հիմնական նախաձեռնողը Ռոստոմն էր։ Ժողովի որոշումների Ձ. Կետը կարևորելով Օսմանյան թուրքիայի դեմ պայքարող քրիստոնյա ժողովուրդների հետ համագործակցության խնդիրը, նրա իրականացումը դրեց կուսակցության տեղական կառույցների վրա⁵։ Սա նշանակում էր, որ հույների, բուլղարացիների և ասորիների հետ համագործակցություն հաստատելու համար պետք է ուժեղացվեին Բալկանյան թերակղզում և Ասորպատկանում գործող ՀՀԴ կառույցները։ Այդ խնդրի առաջին մասի իրականացմանը պետք է նպաստեր Արևմտյան Բյուրոյի ձևավորումը, որի կազմում էլ ընտրվեց Ռոստոմը Զր.Միքայելյանի, Ա Վառյանի, Արմեն Գարոյի /Փաստրմաճյան/ և Սմբատ Խաչատրյանի /Բորիս/ հետ մասին⁶։ Փոխգիշումային լուծում գտնվեց նաև Արևմտյան Բյուրոն ժնկում հաստատելու հարցում Ռոստոմի ներկայացրած առարկությունների համար։ «Դրոշակի» խմբագրության հետ միասին Արևմտյան Բյուրոն պետք է հաստատվեր ժնկում, սակայն Ռոստոմը հնարավորություն էր ստանում տեղափոխվել Բուլղարիա՝ իր վրա վերցնելով 1897 թվականին ձևավորված Բալկանների կենտրոնական կոմիտեությունում, ինչպես նաև Կ.Պոլսում Արևմտյան Բյուրոյի ներկայացուցչի պարտականությունները։

Ռոստոմի աշակերտն ու կենսագիրը՝ Սիմոն Վրացյանը գրում է, որ նախքան Բուլղարիա մեկնելը Ռոստոմը եղել է Շվեյցարիայում, որտեղ կայացած բալկանին ներկայացուցչական խորհրդակցությանը մասնակցել են ՀՀԴ գրեթե բոլոր ականավոր գործիչները՝ նոր միայն ժնկում հաստատված Զր.Միքայելյանի գլխավորությամբ⁷։

Զր.Միքայելյանը Շվեյցարիա էր մեկնել նույն՝ 1898-ի աշնանը։ Այստեղ նա նույնպես ծանոթացել էր Մակեդոնիայի ազատագրության համար պայքարող մի շարք բուլղար հեղափոխականների հետ։ Վերջիններս ՀՀԴ ներկայացուցիչներին հրավիրել էին մասնակցելու 1899թ. մայիսի 1-ին Ֆիլիպեում նշանակված Մակեդոնական կոնգրեսին։ Քանի որ Ռոստոմը պետք է դառնար Արևմտյան Բյուրոյի ներկայացուցիչը Բալկաններում, հենց նա էլ մեկնեց

⁴ Նիւթեր Հ.Հ.Դաշնակցութեան պատմութեան համար, հատ. Բ., էջ 40

⁵ Նիւթեր Հ.Հ.Դաշնակցութեան պատմութեան համար, հատ. Բ., էջ 61

⁶ Տե՛ս Տասնապետեան Հ., Հ.Հ.Դաշնակցութեան կազմակերպական կառոյցի հոլովոյթը, Բ. տպագր., Պէյրուք, -1985, էջ 36։

⁷ Վրացեան Ա., Ռոստոմ /Կենսագրական ուրուագիծ/, «Ռոստոմ. նահիւան վաթսուներեակին առթիւ», Պէյրուք, համազգայինի Վահէ Սէբեան տպարան, -1979, էջ 200։

Բուլղարիա և 1899թ. ապրիլի 19-ին հասավ Ֆիլիպե: Մակեդոնական կոնգրեսի նախօրեին բավականին լարված կացություն էր ստեղծվել Մակեդոնիայի ազատագրության համար պայքարող երկու հիմնական կազմակերպությունների միջև: Դրանից մեկը գործում էր Բուլղարիայում, իսկ մյուսը՝ բուն Մակեդոնիայում: ՀՀԴ-ն գործակցում էր երկուսի հետ էլ, սակայն նրա համակրանքը բուն Մակեդոնիայում գործող Նեքսին մակեդոնական հեղափոխական կազմակերպության կողմն էր:

ՀՀԴ-ն ակնկալում էր, որ կոնգրեսից հետո ընտրվելիք Մակեդոնական կոմիտեն իր հետ միասին ընդունի Լահեյի խաղաղության խորհրդաժողովին ուղղված մի ընդհանուր հայտարարությունը: Սակայն, Մակեդոնական կոնգրեսում հաղթանակ տարան եվրոպական դիվանագիտությանը ապավինվելու գործելակերպի հակառակորդները, որի հետևանքով որոշ չափով բարդացավ Լահեյի խաղաղության խորհրդաժողովին համատեղ դիմում ներկայացնելու հարցի լուծումը: Սակայն, ՀՀԴ-ի հետ կապերը պահպանելու համար, այնուամենայնիվ, կազմվեց և ընդունվեց այդ հայտարարագրի տեքստը: Հեղինակը Սիմեոն Ռադեվն էր, որը քիչ անց մեկնեց Ժնև՝ Մակեդոնիայում ծավալված ազգային-ազատագրական շարժման օգտին քարոզչություն ծավալելու համար: Վերջ ի վերջո որոշվեց, որ համատեղ դիմումը ուղղվելու է ոչ թե Լահեյի կոնգրեսին, «...այլ եվրոպական հասարակության՝ կոնգրեսի առթիւ, ուրեմն պարզապես մի պրոկլամացիա - երկու կազմակերպութիւնների կողմից»⁸:

Ռոստոմը Բուլղարիա էր ժամանել ոչ թե պարզապես կուսակցական ընթացիկ խնդիրները կարգավորելու և Բուլղարիայում ու Կ.Պոլսում Արևմտյան Բյուրոյի ներկայացուցչի իր պարտականությունները կատարելու, այլ մի ամբողջ քաղաքական ծրագրի իրականացնելու համար: Նրա կետերից մեկը նախատեսում էր. «Պուլկարահայութիւնը սիրցնել պուլկար ժողովուրդին եւ կառավարութեան՝ ամրացնելով անոր դիրքը զանազան տնտեսական ու քաղաքական ոտնձգութիւններու դէմ»⁹:

Հաստատվելով Բուլղարիայում, Ռոստոմը խորացրեց ՀՀԴ համագործակցությունը Մակեդոնիայի ազատագրության համար պայքարող բուլղար հեղափոխականների հետ: Հաշվի առնելով, ինչպես ՀՀԴ-ի, այնպես էլ բուլղար հեղափոխականների համար ֆինանսական միջոցներ հայթայթելու անհրաժեշտությունը, վերջիններիս հետ միասին Ռոստոմը նախաձեռնեց Բուլղարիային սահմանակից Օսմանյան կայսրության գավառներում բռնի հանգանակության կազմակերպման գործը: 1900թ. ապրիլի 12-ին նա հայտնում էր Արևմտյան

⁸ Տե՛ս Ռոստոմ. Նամականի, մահուան ութսունամեակին առթիւ, Պէյրուք, 1999, էջ 162:

⁹ Մազմանեան Կ., Յուշար Ռոստոմի մասին, «Ռոստոմ. մահուան վաթսուամեակին առթիւ», Պէյրուք, Համազգայինի Վահէ Սէթեան տպարան, -1979, էջ 225:

Բյուրոյին՝ բուլղարացիների հետ միասին նախապատրաստվող մի ձեռնարկի մասին, որը նպատակ ուներ Օսմանյան կայսրությունում ժողովրդին թալանող մեծահարուստներից չորբաջիներից, դրամ կորզել: «Մակեդոնական Կոմիտեի հետ միասին պատրաստում ենք ճանապարհ ձգել դեպի Տաճկաստան մի խումբ: Խումբը բաղկացած է 6 հոգուց, որոնցից 3 հայ, երեքը բուլղար-մակեդոնացի: Խմբի նպատակն է պարզապես երկրի ներս մտնել եւ մի քանի իրենց հայտնի չորբաջիներից բռնի դրամ կորզել, կամ նրանց տունը մտնելով, կամ թէ նրանց լեռը քշելով: Ձեռք բերուած դրամի կեսը մերը կը լինի, կեսը Մակեդոնական Կոմիտեին¹⁰»: Եվ ահա 1900թ. հուլիսի 26-ին Ռոստոմը հայտնում էր Արևմտյան Բյուրոյին, որ «...տղաները վերադարձել են ողջ եւ առողջ: Հետները բերել են 16.000fr.: Դրանից զանազան ծախքեր դրբւրս գալուց յետոյ երկուսիս կը մնայ մօտաւորապէս 12.000-13.000...¹¹»:

Ձեկուցեցով հաջողությամբ իրականացված բռնի հանգանակության մասին, Ռոստոմը առաջարկում էր հետևել բուլղար հեղափոխականների օրինակին՝ ոչ միայն Թուրքիայում, այլ նաև Բուլղարիայում: «Մակեդոնացիները այստեղ համրեա թէ բռնի ուժով դրամ են ժողովում բաւականին խռչոր գումարներ: Առնում են ոչ միայն բուլղարներից, այլ եւ հրեաներից, յոյն իսկ տաճիկներից: Հայերին չեն դիմում մեր խաթեր, այն հաւատով, թէ հայերը մեզ տալիս են¹²»: Այսպիսով, բռնի հանգանակության գաղափարը որպէս ստեղծված ծանր ֆինանսական կացության պարտադրանք, ՀՀԴ գործունեության բաղկացուցիչ տարրն էր դառնում հենց բուլղար հեղափոխականների ձեռնարկած քայլերի ազդեցությամբ:

Բուլղարացիների աջակցությամբ, Ռոստոմը Ֆիլիպեի հարևանությամբ՝ Ռոդոպի լեռների լանջերին կազմակերպել էր նաև զինավարժությամբ զբաղվելու գործը, որը նախադրյալներ ստեղծեց հետագայում Բուլղարիայում կուսակցության Ձիմվորական դպրոց հիմնելու համար: Մշակվում էին նաև Ռուսաստանից համատեղ ուժերով զենքի տեղափոխման ծրագրեր: Այդ փոխգործակցությունն էլ ավելի ընդլայնելու համար, 1901թ. փետրվարի 23-ին գրված իր նամակով Ռոստոմը Քր.Միքայելյանին հրավիրեց Բուլղարիա¹³:

Մինչև բուլղարացիների հետ բանակցությունները Ֆիլիպե քաղաքում, ուր հաստատվել էր Ռոստոմը, 1901թ. մարտի վերջերին-ապրիլի սկզբին տեղի ունեցավ Հ.Յ.դաշնակցության Կամբը ներկայացնող մարմնի ժողովը՝ Արևմտյան /Քր.Միքայելյան/ և Արևելյան /Հ.Շահիրկյան/ Բյուրոների, Կ.Պոլսի

¹⁰ Ռոստոմ. Նամականի. մահուան ութսունամեակին առթիւ, Պէյրուք, 1999, էջ 208:

¹¹ Նույն տեղում, էջ 220:

¹² Նույն տեղում:

¹³ Տե՛ս Ռոստոմ. Նամականի. մահուան ութսունամեակին առթիւ, Պէյրուք, 1999, էջ 242:

/Ռոստոմ, Արամ Հակոբյան ու Կարապետ Եղիկյան/ և Կիլիկիայի /Հայկ Թիրաքյան, Պետրոս Սերեժճյան/ Պատասխանատու մարմինների ներկայացուցիչների մասնակցությամբ: Այդ ժողովը բավարարեց կուսակցության զանազան կառույցների ստացվող բռնի հանգանակություն սկսելու պահանջը, սկիզբ դնելով «Փոթորիկ» գործին:

Ռոստոմն օգտագործեց Քր.Միքայելյանի ժամանման առիթը բուլղար հեղափոխականների հետ ՀՅԴ-ի դաշինքը ամրապնդելու և անջրջելի դարձնելու համար: 1901թ. ապրիլի 10-ին Քր.Միքայելյանը ժամանեց Սոֆիա և նույն օրն իսկ բանակեց նոր միայն ավարտված Մակեդոնական կոնգրեսի ընտրած չափավոր հայացքներ ունեցող կոմիտեի անդամների՝ Միխայելովսկու, Դմիտրովի, Ռադչիկ և Վլադովի հետ: Սակայն, ՀՅԴ-ի համակրանքը բուլղար-մակեդոնական շարժման արմատական թևի ճանաչված առաջնորդ Բորիս Սարաֆովի կողմն էր, որը նստած էր Սոֆիայի բանտում: Քր.Միքայելյանը Սիմեոն Ռադչիկի հետ միասին դատախազից մեկ ընդհանուր տոմսակ վերցրին և անմիջապես մեկնեցին բանտ: Սրտառուչ էր երկու մեծ հեղափոխականների հանդիպումը. «Սարաֆովին հանքյուրեցի բոլորիս կողմից և ջերմ համակրություններ յայտնեցի¹⁴», - գրում էր Քր.Միքայելյանը Ռոստոմին:

Բ.Սարաֆովի բանտարկությունը իրականում բուլղարական իշխանությունների դիվանագիտական խաղն էր, որը նպատակ ուներ շեղել թուրքական իշխանությունների ուշադրությունը: Բանտում նրան միանգամից երեք սենյակ էին տրամադրել, որոնք փաստորեն վերածվել էին բուլղար-մակեդոնական շարժման շտաբի: Այստեղ Քր.Միքայելյանը արձանագրում և Ռոստոմին էր հաղորդում այն իրողությունը, որ Ներքին մակեդոնական հեղափոխական կազմակերպությունը /ՎՄՌՕ-ի/ «Գրոծող տարրը դժգոհ է ներկայ կոմիտեից եւ կարծես շարունակում է տանել իր գործը բանտում՝ Սարաֆովի ղեկավարությամբ¹⁵»:

Ռոստոմը թեև Հ.Յ.Դաշնակցության կամքը ներկայացնող մարմնի ժողովում ընտրվել էր «Փոթորիկ» մարմնի կազմում, սակայն նա այնպես էր խրված բուլղարական գործերի մեջ, որ ստիպված էր դեռ երկար ժամանակ մնալ Ֆիլիպեում: Հին գործերին ավելանում էին նաև նորերը. 1901թ. հուլիսի 29-ին կայանալու էր մակեդոնական նոր կոնգրես, իսկ դրանից մեկ օր անց՝ հուլիսի 30-ին սկսվելու էր Բորիս Սարաֆովի դատավարությունը, որին Ռոստոմը անպատճառ ցանկանում էր մասնակցել, սակայն 1901թ. հուլիսի սկզբին Ադրիանապոլսի մոտ տեղի ունեցավ հայ և բուլղարացի հեղափոխականների միացյալ ջոկատի հերոսական ու անհավասար մարտը՝ թուրքական

¹⁴ Քրիտափոր Միքայելյանի նամակները, Պեյրուք, 1993, էջ 213:

¹⁵ Նույն տեղում:

կանոնավոր զորքերի դեմ: Տեղի թուրք պաշտոնյաներին գերի վերցնելու համար 1901 թվականին հուլիսի 6-ին Արևելյան Թրակիայի սահմանն անցել էր բուլղարացի և հայ 10 հայդուկներից բաղկացած մի խումբ: Սակայն թուրքական բանակի երկու վաշտերի ու մի ամբողջ գունդ հեծելազորի հետ շուրջ 4 ժամ տևած դժժան մարտում զոհվել էին 2 հայ և 2 բուլղարացի: Հակառակորդը կորցրել էր մոտ հարյուր հիսուն զինվորներ: Շուտով Ռոստոմն իմացավ, որ թուրքական զորքերի կողմից գերված հայտուկների մեջ է նաև իր սիրելի ընկերը՝ նշանավոր հայդուկ Պետրոս Սերեմճյանը: Չերբակավածների թվում են նաև Օննիկ Թորոսյանը, Սվետոսլավ Մելքանովը և Հրիստո Հաջի Իլիևը:

1901 թվականի հուլիսից մինչև նոյեմբերի 27-ը, հայ և բուլղարացի հեղափոխականները Ադրիանապոլսի հրապարակում կախաղան բարձրացվեցին, Ռոստոմը հանգիստ չուներ, նա անընդիատ կապի մեջ էր բուլղարացի հեղափոխականների Արևմտյան Բյուրոյի և ձերբակալվածների հետ: «Պետոյից նամակ ստացա, նույնպես եւ Օննիկից: Հիմա լաւ են: Խեղճերին շատ են ծեծել, տանջել: Փող են ուզում, ոչ չոր ունեն, ոչ անկողին: Ուղղարկեցինք 100 fr., դարձաւ կ'ուղարկենք: Ենթադրում են, որ 15-20 տարուայ դատապարտած կը լինեն¹⁶», -1901թ. օգոստոսի 13-ին գրում էր Ռոստոմը «Դրոշակի» խմբագրությունը: Պետրոս Սերեմճյանի նամակում առկա՝ մահապատժից փրկվելու հույսը պայմանավորված էր նրանով, որ ինչպես օգոստոսի 26-ին հայտնում էր Ռոստոմը Արևմտյան Բյուրոին՝ «Ղեռ նրա ով լինելը չգիտեն¹⁷»: Սակայն հետագայում դեպքերն այլ ընթացք ստացան, որի հետևանքով ոչ միայն ծանրացվեց մեղադրյալների պատիժը, այլ ծախսովեց բուլղարացի հեղափոխականների հետ կազմակերպվող՝ նրանց բանտից փախնելու ձեռնարկը: Տեղի ունեցավ մատնությունը, որին մասնակցեցին թուրքական կառավարության հետ կապված երկու բուլղարահայեր: Ադրիանապոլիս այցելած, ծնունդով ֆիլիպեցի, Ռիզա փաշան բանտում ճանաչեց Վասպուրականում իր զորքերի դեմ կռված Պետրոս Սերեմճյանին: ՀՀԴ աննկուն մարտիկի ճակատագիրը վճռված էր և նրան այլևս անհնար էր փախցնել բանտից:

Սոստենում էր 1901 թվականի ձմեռը: Ռոստոմը անսալով իր տիկնոջ՝ Եղիսաբեթ Մելիք-Շահնազարյանի հորդորներին, նոր վերարկու էր գնել իր համար: Երկու շաբաթ անց նրա ավագ աշակերտուհիները նկատեցին, որ իրենց սիրելի ուսուցիչը նորից հագել է նախորդ տարվա իր հնամաշ վերարկուն: Ջարմացած աշակերտուհիներին տիկին Եղիսաբեթը ստիպված էր բացատրել, որ նա իր նոր վերարկուն ուղարկել է ցուրտ բանտում գտնվող ընկերոջը՝ Պետրոս Սերեմճյանին ... «Մենք շուարեցանք ու թեւ այն ժամանակ

¹⁶ Ռոստոմ. Նամակնի. մահուան ութսունամեակին արթիւ, Պէյրուք, 1999, էջ 265:

¹⁷ Նույն տեղում, էջ 266:

յետպատերազմեան այս անբարոյացուցիչ նիւթապաշտութեամբ չէին տոգորուած մեր հոգիները եւ ընդունակ էինք զաղափարական զոհողութիւններու, բայց եւ այնպէս չկրցանք ընթել այդ արարքին մեծութիւնը: Եւ մէկը մեր մէջէն հազիւ լսելի մըմնջաց. «Հին ալ կրնայինք դրկել»: ռոստոմը միայն ժպտեցաւ, իր բարի եւ ամէն բան ներող ժպիտով...¹⁸», - վերհիշում էր ռոստոմի աշակերտուհին՝ Սաթենիկ Տեր-Ղաւթյանը:

Կախաղանի դատապարտված ընկերոջը մի քանի օր քերմացնելու համար Ռոստոմի ուղարկած վերարկուն հագին Պետրոս Սերեմճյանը հպարտորեն դիմավորեց մահը՝ 1901 թվականի նոյեմբերի 27-ին: Ներկաներից մէկը վկայում է, որ մոտենալով կախաղանին Պետրոս Սերեմճյանը դիմեց իր դահիճներին հետևյալ խոսքերով. «Դուք զիս կախեցիք, բայց ի՞նչ պիտի ընէք անհարիւրները, հազարները, որ պիտի ծնանին աս կախաղանները, ի՞նչ պիտի ընէք, երբ հնչէ ընդհանուր ապստամբութեան ժամը: Կախաղաններով չէ՞, որ բացեցա՞մ Պուլակրիոյի ազտութեան արշալույսը...¹⁹»:

Պետրոս Սերեմճյանի հերոսական մահը մեծ ցնցում առաջացրեց Բուլղարիայի հայության կյանքում: Ֆիլիպեում տեղի ունեցավ հայ և բուլղարացի հեղափոխականների կազմակերպված հիշատակի արարողություններ: Չմոռացան նաև ֆիլիպեում բնակվող այն երկու դավաճան հայերի մասին, որոնք մատնության հետևանքով բուրք դահիճները ծանաչել էին Վասպուրականում իրենց դեմ կռված Պետրոս Սերեմճյանին: Մակեդոնական կազմակերպության առաջնորդներից ղոկտոր Գենչեվի միջնորդությամբ բուլղարացի ոստիկանները այժ փակեցին Հակոբ և Թագավոր անունը կրող այդ երկու մատնիչների՝ ՀՅԴ-ի կողմից ահաբեկման ենթարկվելու փաստի հանդեպ: Այսպիսով հայ և բուլղարացի հեղափոխականների հերոսական մահը Ադրիանապոլսում է՛լ ավելի ամրապնդեց երկու բախտակից ժողովրդների համագործակցությունը: Բուլղարիայում ՀՅԴ-ն ձեռք բերեց գրեթե լեզալ կերպով գործելու հնարավորություն և 1904 թվականին նրա մայրաքաղաք Սոֆիայում կայացավ կուսակցության կողմից արտասահմանում կազմակերպված առաջին ընդհանուր ժողովը: Իսկ հետագայում՝ Բալկանյան առաջին պատերազմի օրերին, հայ-բուլղարական համագործակցությունն, որի ակունքներում կանգնած էր Ռոստոմը, ձեռք բերեց է՛լ ավելի մեծ ծավալ և ընդգրկում:

¹⁸ Տեր-Ղաւթեան Սաթենիկ, Բեկոր մը Ռոստոմի կեանքէն, /, «Ռոստոմ. մահուան վաթսուամեակին առթիւ», Պէյրուք, Համազգայինի Վահէ Սէթեան տապարան, -1979, էջ235

¹⁹ Նամակ Ադրիանապոլսէն, «Դրոշակ», 1902, նո. 1, էջ3: